

# ALLEGRA COMPAGNIA

(Testo musicato)  
Finale agosto 2010

---

**L'allegra compagnia  
è na vera terapia  
chi-mmanna a ddu paisi a malatìa.**

Tu canta, sona, abballa, mancia e-bbivi  
câ-ggenti japri î porti quannu arrivi;  
ti fà passari na nuttata bella;  
ti f'assaggiari puru a murtatella.

Tu cunta, canta, sona, riri e abballa  
nna sti vaneđđi ri Miştrretta bella  
cu tutti i paisani e a vutti china  
chi favi nta verdedđa î Catarina

**L'allegra compagnia  
è na vera terapia  
chi-mmanna a ddu paisi a malatìa.**

Si-vvò tiniri la to vita snella  
po masticari puro na taralla,  
ddu ova, anticchia î vinu e na patata  
e-ssì appuòstu tutta la nuttata.

Tu cunta, canta, sona, riri e abballa  
nna sti vaneđđi ri Miştrretta bella  
cu tutti i paisani e a vutti china  
chi favi nta verdedđa î Catarina

**L'allegra compagnia  
è na vera terapia  
chi-mmanna a ddu paisi a malatìa.**

Tu canta, sona, abballa e arresta ccà. (quasi gridando)

*Lucio Vranca*